



LJEKARSKA – LIJEČNIČKA KOMORA KANTONA SARAJEVO

Sprečanska 5/III, Sarajevo

Na osnovu Člana 29. Statuta Ljekarske – Liječničke Komore Kantona Sarajevo (daljem tekstu: Komora), Upravni odbor Komore na sjednici održanoj dana 18.06.2020. godine donio je

PRAVILNIK O DODJELI STIPENDIJA

I OPĆE ODREDBE

Član 1.

Pravilnikom o dodjeli stipendija (u daljem tekstu: Pravilnik) utvrđuju se uvjeti i način ostvarivanja prava na stipendiranje kao i procedura dodjele istih od strane Komore za djecu preminulih članova Komore za potrebe njihovog obrazovanja.

Član 2.

Termini koji se koriste u ovom Pravilniku imaju sljedeće značenje:

- a) **Stipendija** je oblik finansijske pomoći koji se dodjeljuje djeci preminulih članova Komore za potrebe njihovog obrazovanja;
- b) **Davalac stipendije** je Komora;
- c) **Korisnik stipendije** je dijete, odnosno učenik i student preminulog člana Komore koji redovno pohađa osnovno i srednjoškolsko obrazovanje i student visokoškolskih ustanova;
- d) **Prijava za dodjelu stipendije** je prijava koju na osnovu objavljenog poziva na web stranici Komore dostavlja dijete, odnosno učenik zatupan po roditelju/zakonskom staratelju i student podnosi Davaocu stipendije s ciljem apliciranja za dodjelu stipendije;
- e) **Odluka o stipendiji** je odluka koju donosi Komisija za stipendiranje Komore na osnovu podnesenih prijava za dodjelu stipendije;
- f) **Period stipendiranja** znači period jedne školske/akademske godine.

II VRSTA I IZNOS STIPENDIJE

Član 3.

Davalac stipendije u cilju potpore obrazovanja djece preminulih članova Komore daje stipendiju namjenjenu isključivo u svrhu obrazovanja Korisnika stipendije za potrebe njegovog obrazovanja.

Stipendija se dodjeljuje u skladu sa finansijskim planom koji usvaja Skupština Davaoca stipendije za period jedne školske/akademske godine.

Iznos stipendije će za svaku školsku/akademsku godinu posebnom odlukom odrediti Upravni odbor Davaoca stipendije a na osnovu raspoloživih sredstava u skladu sa usvojenim finansijskim planom i brojem podnesenih prijava.

III KRITERIJI ZA DODJELU STIPENDIJE

Član 4.

Izbor Korisnika stipendije vrši se na osnovu kriterija iz člana 5. ovog Pravilnika.

Član 5.

Kriteriji na temelju kojih se provodi odabir za dodjelu stipendija su da je korisnik stipendije:

1. Dijete preminulog člana Komore,
2. Redovno osnovno i srednjoškolsko školovanje, odnosno redovno studiranje ali ne duže od 25 godine života.

IV POSTUPAK DODJELE STIPENDIJE

Član 6.

Stipendija se dodjeljuje na osnovu poziva, koje svake godine prije početka školske odnosno akademske godine objavljuje Upravni odbor Komore na web stranici Komore.

Član 7.

Poziv za dodjelu stipendija sadrži:

- Rok u kojem se podnosi prijava na poziv,
- Isprave koje treba dostaviti uz prijavu za dodjelu stipendije uz napomenu da se neće uzimati u obzir i da će se odbaciti neblagovremene prijave.

Član 8.

Nakon isteka roka za podnošenje prijava Komisija za stipendiranje koju Upravni odbor formira prije objavljivanja poziva, pristupa razmatranju pristiglih prijava i njima priložene dokumentacije.

O radu Komisije iz stava 1. ovog člana vodit će se zapisnik.

Član 9.

Prijedlog liste za dodjelu stipendija objavljuje se na web stranici Komore u roku od 30 dana od dana isteka roka za podnošenje prijava.

U roku od 8 dana od dana objavljivanja prijedloga liste kandidata svaki kandidat može podnijeti pismeni prigovor Upravnom odboru Komore.

Upravni odbor Komore je dužan u roku od 15 dana donijeti odluku po prigovoru.

Član 10.

Nakon isteka roka iz člana 9. ovog Pravilnika, odnosno nakon donesenih odluka Upravnog odbora Komore po eventualnim prigovorima, Komisija za stipendiranje donosi Odluku o dodjeli stipendija.

V PRAVA I OBAVEZE KORISNIKA STIPENDIJE

Član 11.

Na temelju Odluke o dodjeli stipendija sa Korisnikom stipendije zaključuje se ugovor o stipendiranju koji sadrži:

- Ime odnosno naziv ugovornih strana,
- Iznos stipendije,
- Rok isplate stipendije i
- Druga prava i obaveze ugovornih strana.

Član 12.

Ugovor o stipendiranju u ime Komore potpisuje Predsjednik/ca Komore ili osoba koju on/ona ovlasti.

Ugovor o stipendiranju u ime učenika ili studenta potpisuje učenik ili student, a u ime malodobnog učenika njegov zakonski zastupnik ili staratelj.

Član 13.

Trajanje stipendije ugovara se za jednu školsku/akademsku godinu.

Član 14.

Učenik ili student dužan je da redovno pohađa školu ili studije.

Međusobna prava i obaveze u slučaju prekida školovanja odnosno studiranja u toku školske odnosno akademske godine u kojoj se dodjeljuje stipendija i isplaćene stipendije regulisat će se ugovorom o stipendiranju.

VI ZAVRŠEN ODREDBE

Član 15.

Ovaj Pravilnik stupa na pravnu snagu danom usvajanja.

Broj: 1175/2020

Sarajevo, 30.06.2020. g.

UPRAVNI ODBOR



Predsjednica Prim. dr. Sabina Radulović